

奉

天承運

皇帝制曰婦以夫榮國有常典道以教崇爾惟克相正一嗣教清虛冲素光範演道大真人張宇清妻孫氏懿恭生自名門來配仙裔柔嘉温靖恭肅和平婦道式全宜膺寵錫今特封爾為端靜真淑妙惠立君尙克敬承永光恩命

制誥

永樂十七年正月初四日

之寶

十八年

漢天師世家

三

翼集七

道藏輯要

召見

命率羽士千八百人修玉籙大齋本年十月又

命建普度大齋於靈濟宮

十九年正朔

命分獻星辰壇

命建保安醮七日

上北伐還京

命祈謝大齋瑞應獎勅

勅正一嗣教真人張宇清

朕比者躬率六師往征明寇仰荷

穹祇錫佑

玄天上帝洪恩真君翊贊維持初庇護佑俾士馬咸臻康泰
往復平甯永懷恩德銘刻弗忘是用命爾等修建祈恩大齋
特伸昭報用表中忱爾等克承朕命齋潔至誠精嚴對越弘
宣妙典揚闡宗風感孚天地神明昭錫景貺疊薦靈祥卿雲
彩裔充滿太虛輪茵佈護或黃或青流丹曳紫五色炳煥郁
郁紛紛輝霍流動升降卷舒變化不測復有祥光五色綿亘
天表璘霏璀璨熠燿冲融或圓若日輪或直若垂虹或覆護
於壇宇或映帶於宮苑山川出色草木增華天人懽慶福被
幽明朕心慰悅莫罄名言茲特賜勅褒獎用昭感應之妙爾
朕素切之懷故勅

勅命

永樂十九年 月 日

之寶

二十二年

命醮于太和人

命建薦揚大齋瑞應獎勅

勅正一嗣教真人張宇清

朕惟上帝以好生爲德故玄元以惠濟爲教其體清靜無爲

道藏輯要

漢天師世家

三

真集七